



Broj: 09-20-11-2-1994  
Sarajevo, 01.09.2022. godine

Na osnovu člana 43. a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj: 39/14) i preporuke Komisije za provođenje konkurentskih i pregovaračkih postupaka nabavki u 2022. godini, zamjenik direktora Federalne uprave policije d o n o s i

## **O D L U K U**

### **o poništavanju postupka javne nabavke Nabavka birotehničke opreme-ostale kancelarijske mašine**

#### **I**

Poništava se postupak javne nabavke „Nabavka birotehničke opreme-ostale kancelarijske mašine“, a u skladu sa odredbom člana 69. stav (2) tačka d) Zakona o javnim nabavkama, iz razloga što niti jedna zaprimljena ponuda nije formalno pravno ispravna.

#### **II**

Za izvršenje Odluke zadužuje se Sektor za materijalno-finansijske poslove.

#### **III**

Ova Odluka objaviti će se na internet stranici Federalne uprave policije.

#### **IV**

Ova Odluka stupa na snagu danom donošenja.

## **O B R A Z L O Ž E N J E**

Federalna uprava policije je provela konkurentski postupak javne nabavke „Nabavka birotehničke opreme-ostale kancelarijske mašine“, broj Obavještenja o javnoj nabavci: 1412-7-1-187-3-98/22 godine od 17.08.2022. godine.

Javna nabavka je provedena putem konkurentskog zahtjeva za dostavu ponuda.

Procjenjena vrijednost nabavke iznosi 25.658,12 KM bez PDV-a.

Postupak je provela Komisija za provođenje konkurentskih i pregovaračkih postupaka nabavki u 2022. godini, imenovana Rješenjem direktora Federalne uprave policije broj: 09-19/1-30-2-46 od 14.01.2022. godine.

U postupku je utvrđeno da je Komisija u svemu pravilno postupila, te da je preporuka o poništavanju postupka predmetne nabavke, data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponude i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno sljedeće:

- da je zaprimljena 1 (jedna) ponuda, koja je ujedno i blagovremena, i to ponuđača: „C-Servis“ d.o.o. Sarajevo,
- da nije bilo neblagovremeno zaprimljenih ponuda;
- da je Komisija konstatovala da ponuda ponuđača „C-Servis“ d.o.o. Sarajevo, formalno-pravno nije ispravna iz razloga što je u obrazcima tehničkih specifikacija za traženu robu tenderske dokumentacije navedeno da ponuđač za ponuđene karakteristike opreme kao dokaz mora dostaviti katalog/brošure sa slikama i detaljnim opisom ponuđene robe iz kojih će se moći utvrditi da ponuđena roba **u potpunosti ispunjava zahtjeve** propisane tenderskom dokumentacijom, a prilikom ocjene ponuda Komisija je utvrdila sljedeće:
  - za stavku pod rednim brojem 1 (fotokopir aparat) Aneks II ponuđač „C-Servis“ d.o.o. Sarajevo je ponudio uređaj Canon i-SENSYS X 1238i za koji je dostavio i odgovarajući katalog. Tehničkom specifikacijom tenderske dokumentacije traženo je da ponuđeni uređaj ima radni ciklus od minimalno 80000 stranica mjesečno, dok za ponuđeni uređaj u katalogu stoji da je radni ciklus maksimalno 80000 stranica (preporučeno 750 do 4000 stranica mjesečno), te da svaka upotreba preko maksimalnog radnog ciklusa može da skрати radni vijek uređaja,
  - za stavku pod rednim brojem 2 (fotokopir aparat – multifunkcijski uređaj) Aneks II ponuđač „C-Servis“ d.o.o. Sarajevo je ponudio uređaj Canon i-SENSYS MF 443 dw za koji je dostavio i odgovarajući katalog. Tehničkom specifikacijom tenderske dokumentacije traženo je da ponuđeni uređaj ima radni ciklus od minimalno 80000 stranica mjesečno, dok za ponuđeni uređaj u katalogu stoji da je radni ciklus maksimalno 80000 stranica (preporučeno 750 do 4000 stranica mjesečno), te da svaka upotreba preko maksimalnog radnog ciklusa može da skрати radni vijek uređaja,
  - za stavku pod rednim brojem 4 (printer) Aneks II ponuđač „C-Servis“ d.o.o. Sarajevo je ponudio uređaj HP LASER 107a za koji je dostavio i odgovarajući katalog. Tehničkom specifikacijom tenderske dokumentacije traženo je da ponuđeni uređaj ima radni ciklus od minimalno 10000 stranica mjesečno, dok za ponuđeni uređaj u katalogu stoji da radni ciklus ide do 10000 stranica (preporučeno 1000 do 1500 stranica mjesečno),

- za stavku pod rednim brojem 5 (printer u boji A4 -I) Aneks II ponuđač „C-Servis“ d.o.o. Sarajevo je ponudio uređaj HP COLOR LASERJET PRO M454dn za koji je dostavio i odgovarajući katalog. Tehničkom specifikacijom tenderske dokumentacije traženo je da ponuđeni uređaj ima radni ciklus od minimalno 50000 stranica mjesečno, dok za ponuđeni uređaj u katalogu stoji da je radni ciklus do 50000 stranica (preporučeno 750 do 4000 stranica mjesečno). Također, dostavljeni katalog ne sadrži podatke o podržanim veličinama medija, a što je traženo tehničkom specifikacijom tenderske dokumentacije za navedenu stavku,
- za stavku pod rednim brojem 6 (printer u boji A4 -II) Aneks II ponuđač „C-Servis“ d.o.o. Sarajevo je ponudio uređaj MFP EPSON EKOTANK L6276 za koji je dostavio i odgovarajući katalog. Dostavljeni katalog ne sadrži podatke o dnevnom volumenu minimalnog printa, a što je traženo tehničkom specifikacijom tenderske dokumentacije za navedenu stavku,
- za stavku pod rednim brojem 7 (skener) Aneks II ponuđač „C-Servis“ d.o.o. Sarajevo je ponudio uređaj EPSON PERFECTION V19 za koji je dostavio i odgovarajući katalog. Dostavljeni katalog ne sadrži podatke o brzini skeniranja, a što je traženo tehničkom specifikacijom tenderske dokumentacije za navedenu stavku,
- za stavku pod rednim brojem 8 (skener sa uvlakačem listova – 6 uređaja) Aneks II ponuđač „C-Servis“ d.o.o. Sarajevo je ponudio uređaje EPSON WORKFORCE DS-1630 (2 uređaja) i CANON DR-F120 (4 uređaja) za koje je dostavio i odgovarajuće kataloge. Iz dostavljenih kataloga je vidljivo da ponuđene karakteristike ne odgovaraju traženim u potpunosti, te katalozi ne sadrže sve podatke tražene tehničkim karakteristikama tenderske dokumentacije (npr. za CANON DR-F120 izlazna rezolucija skeniranja je manja od traženog, minimalni broj dnevnih skenova je manji od preporučenog, za EPSON WORKFORCE DS-1630 izlazna rezolucija skeniranja je manja od traženog, ne postoji podatak o radu sa dugim dokumentima, ne postoji podatak o jedinici senzora za skeniranje),
- za stavku pod rednim brojem 9 (skener za fotografije i dokumenta) Aneks II ponuđač „C-Servis“ d.o.o. Sarajevo je ponudio uređaj EPSON PERFECTION V19 za koji je dostavio i odgovarajući katalog. Dostavljeni katalog ne sadrži podatke brzini skeniranja, a što je traženo tehničkom specifikacijom tenderske dokumentacije za navedenu stavku,

- za stavke pod rednim brojevima 10 i 11 (printer A3 i printer A3 u boji) Aneks II ponuđač „C-Servis“ d.o.o. Sarajevo je ponudio uređaj CANON PIXMA iP8750 za koji je dostavio i odgovarajući katalog. Dostavljeni katalog ne sadrži podatke za vrste medija, kao ni podatke o minimalnom broju ispisa stranica mjesečno, a što je traženo tehničkom specifikacijom tenderske dokumentacije za navedenu stavku.
- da je Komisija je ocijenila da se radi o bitnim razlikama u traženim i ponuđenim karakteristikama, da ponuđeni uređaji ne ispunjavaju sve tehničke uslove tražene tenderskom dokumentacijom, te da se za neke stavke nije moglo utvrditi da li ispunjavaju tražene uslove (a što je bilo obavezno u skladu sa tenderskom dokumentacijom), nakon čega je Komisija dala preporuku o poništavanju postupka.

### Pravna pouka:

**ZAMJENIK DIREKTORA**  
**Generalni inspektor policije**

**Dostaviti:**